

TradeInvest halo esforsu atu nune'e Timor-Leste bele transforma nudar nasaun ida ho ninia rendimento médiu ba leten iha tinan 2030.

Hanesan Agensia Promosaun Investimentu no Eksportasaun Timor-Leste, TradeInvest TL representa investidor sira hodi kria ligasaun entre linha ministerial; identifika, promove, fasilita no halo jestaun ba prioridade investimentu no eksportasaun; fasilita prosesu (halao negosiasaun) hodi hetan akordu espesial investimentu no deklarasaun benefisiariu; halo monotorizasaun no fo suporta ba projeitu investimentu



## Lei Investimentu Privadu

Governu Timor-Leste aprova ona lei investimentu privadu foun No. 15/2017, TradeInvest TL kontribui fo sugestasaun, konsultasaun nomos ekspertizasaun iha fase desenvolvimentu lei foun molok submete ba konselhu ministru. TradeInvest TL organiza no halo ona sosializasaun konaba lei investimentu foun ba parseiru desenvolvimentu sira liu hosi enkontru nomos workshop. Dekretu Governu No. 2/2018 promulga ona no espesifika prosesu ida ba TradeInvest Timor-Leste atu hodi implementa regulamentu no prosedura investimentu iha lei investimentu privadu.



## Estudu Konaba Potensialidade Produitu Eksportasaun

TradeInvest TL rekonyese katak importante tebes atu implementa peskiza refere hodi bele komprende liu tan konaba kapasidade agrikultura Timor-Leste nian no atu identifika produitu agrikula nomos meois hodi akomoda produitu nebe iha ba merkado rai laran, prinsipalmente ba eksportasaun. TradeInvest husu ba Sentru Nasional Peskizasaun Sientika UNTL implementa estudu basiku lubun ida. Iha estudu primeiru identifika produitu agrikultura no pekuaria iha RAEOA, Covalima no Baucau. TradeInvest organiza workshop ida ho total partisipantes walu nulu (80) hodi halo diskusaun konaba resultadu relatoriu peskiza dahuluk ninian.

[Sumariu eksekutivu konaba dadus base estudu](#)



## Delegasaun Husi Filipina.

TradeInvest Timor-Leste simu delegasaun impresarial hosi nasaun Filipina nebe iha intrese atu investe iha setor desenvolvimentu popriedade, banku, desenvolvimentu infrastrutura, distribuisaun alimentasaun nomos agrikultura. Iha dia 14 Marsu 2018, Delegasaun sira hala'o visita kampu servisu ba fatin hirak inklui konvoka sorumutu ho Embaxador Filipina nian ba Timor-Leste nomos Diretor Eksekutivu TradeInvest Timor-Leste. Delegasaun sira hasoru malun ho empresa lokal nain hirak nebe especialista halao negosio iha setor agrikultura nomos infrastrutura hodi koalio konaba possibilidade atu halo parseiru negosiu entre sira.



## Movimento Tasi Mos

Iha loron 16, Fulan Fevereiro, ema hitu nulu (70) resin servisu hamutuk halo limpeza hodi hamos no hasai lixu/ foer sira nebe mak iha tasi ibun Metiaut no Areia Branca. Coordenador ba eventu ida ne'e mak Movimentu Tasi Mos no sponsor husi TradeInvest Timor-Leste nudar parte ida hosi ami ninia kooperasaun ba programa responsabilidade sosial. partisipasaun iha eventu Movimentu Tasi Mos inklui: Eskola Internasional Santo Antonio, Voluntariu Internasional sira husi nasaun Nova Zelandia ho Australia nomos Kaffe U'ut. Karik ita boot sira hakarak fo suporta hodi mantein "Mos" iha ita nia tasi furak, favor bele visita Movimentu Tasi Mos: <https://www.facebook.com/movimentotasimos/>